

AUSPICE ARCHIATRO
SUMMO,
CATARRHI SUFFOCATIVI

ΣΚΙΑΓΡΑΦΙΑ

QUAM

AUTORITATE, JUSSU ATQUE DECRETO

*Amplissimi & Gratosi Medicorum Ordinis in
Illustri ac Celeberrimâ Academiâ Tubingensi,*

Sub

RECTORATU MAGNIFICENTISSIMO

Serenissimi ac Celsissimi Principis ac Domini,

DOMINI

GEORGII FRIDERICI,

Ducis Württembergiæ, & Teccia, Comitum Montisbelgardi, Dynastæ Heidenhemii &c.

PRÆSIDE

DN. GEORG-BALTHASARE METZGERO,

Med.D.Præcos, Anatomia & Botanices Prof. Celeberrimo,

p.t. Facultatis Medicæ Decano Spectatissimo;

*Præceptore atque Promotore suo debitâ gratitudine atque filiali
observantiâ eternum devenerando,*

PRO LICENTIA,

Summos honores & privilegia Doctoralia in Arte
Medica legitimè impetrandi,

Publicæ Eruditorum censura submittit

JOHAN. GEORGIUS GMELIN,

Sundelfingenfis,


IN AULA NOVA,

Ad diem 24. Septembr. Anni M DC LXXV.

Horis consuetis ante-meridianis.

TUBINGÆ,

Typis JOHAN. HENRICI REISL,



CUM BONO DEO!

Π Ρ Ο Ο Ί Μ Ι Ο Ν.

Ta est, æquat omnes cinis, impares nascimur, pares morimur, morbo tamen plerique dispari; Nimirum pestis hunc epidemica enecat, illum epilepsia præcipitat, istum, nescio, quæ febricula maligna extinguit; alios alia morborum genera tollunt. Sed è morbis, penè dixerim, omnibus, *Catarrhus Suffocativus* est, qui, dum præceps hominem suffocare consuevit, eo ipso plurimum usque negotii Galeni filiis faceffit; Morbi sanè malum, in quod ut intimiori mentis indagine inquiratur, dignissimum. Proinde ego, recepta tali in me provincia, impræsentiarum de isthoc ipso Catarrho Suffocativo breviusculas quasdam theses, uno fasciculo comprehensas, quantulas puta, numero, invida temporis angustia permisit, publicæ eruditorum ventilationi exponere decrevi. DEUS interim Opt. Max. conatus meos qualescunque felices esse jubeat! ita spero! ita voveo!

THESES I.

C*atarrhus* à tristi non rarò sequente symptomate, Suffocatione, *Suffocativus* dictus, varia alia à variis Authoribus nomina accepit. Et quidem apud Græcos *Κάταρρῶς πνιγώδης, συντόμας ἀπὸ τοῦ 3. Aphor. 12.* quòd subitò hoc ægri non modò sed & sæpius cætera sani pereant,

audit. Nec multum ab his abeunt sive Latini sive Populares nostri, quorum illi destillationem præfocantem, Catarrhum magnum, subitaneum &c. hi *Stechoder Sticfluß* vocant.

II.

Unde ita describo : *Catarrhus Suffocativus est fluxus p. n. præceps & subitaneus sanguinis in pulmones protrusi, inibiquè ob impeditum circulum stagnantis, cum tussi nonnunquam in principio, difficili respiratione, vocis lesione, & imminentis suffocationis metu, sine sensus & motus jactura, ab internis & externis causis variis irritatus.*

III.

Genus fluxus est p. n. Hunc Veterum non modò consensus stabilit, sed & rationes & experientia persuadent, quæ fluxum p. n. in omni catarrho accusant, rectèque ita ex l. 3. de sympt. caus. cap. 4. inter symptomata excretorum collocatur. Præceps verò & subitaneus est, quo facilè à segnioribus catarrhis omnibus distinguitur.

IV.

Cùm verò in omni fluxu & huic conjuncto motu locali quinque præcipuè observanda veniant, I. Mobile, II. Terminus à quo, III. Terminus ad quem, IV. Terminus per quem, & denique V. Mobile ipsum; eadem & pari quidem ordine hîc mihi exploranda sumam.

V.

*Mobile sanguinem dixi; contra quidem recepta loquitur opinio, quæ humores excrementitios & inter hos potissimum, pituitosos substituit; alii serosis magis favent. Mihi in præsens pro sanguine pugnare mens est, quem vel sola copia & abundantia sua, si impetuosior in pulmones ruit & restagnat, malum hoc cudere posse persuasus sum: Facilius tamen & felicius operari omninò puto, si serosis omnis generis sordibus, & in specie crassis, pituitosis, quos magnum feri cadaver *Paulus Barbette* & alii nominant, infectus est.*

VI.

Terminum à quo, ad communem iterum sententiam, caput, aut potius hîc latitans cerebrum, ut vocat *Hugo Senensis*, catarrhizans, statuunt, hincquè imbrem omnem catarrhalem defluere credunt. His autem quò minus subscribam, obstat, quòd 1. non excrementitios humores, sed sanguinem mobile statuiam, 2. data hac hypothefi nulla vel tamen pauca cerebri excrementa, 3. nulla excrementorum in cerebro idonea & fufficientia conceptacula, 4. nullæ viæ, per quas è cerebro effluant, in promptu fint; prout elegantiffimè demonftrant hæc omnia *Rolfinck in anatom. l. 6. c. 54. Schneiderus* hinc inde, præcipuè verò *lib. 2. Sect. 1. de catarrh. per totum*; adde *C. Irvinum in Pract. med. Walæi l. 2. c. 5. Massam* ergò sanguineam, oceanum omnis bonæ & malæ valetudinis, catarrhi etiam hujus fcaturiginem pono.

VII.

Terminum ad quem pulmones nominavi. Produunt affectum locum hunc symptomata periculofiffima, respiratio difficilis, vocis ablatio, & tantum non præfens fuffocatio. Ad imbibendam hanc farcinam patulus pulmonum venter aptiffimus eft, veficulis tam orbicularibus, quàm finuofis tantum non infinitis noviter à *Marcello Malpighio* detectis gaudens, ubi transcolare non modò sanguinem rectè difpofitum, & ordinarium fuum fequentem circulum poteft, fed & copiâ & qualitate vifcidâ præfertim peccantem facilè retardare & in curfu fuo fiftere novit, vid. *Th. Barthol. de pulm.* Extra autem locum hunc quicumque facti videntur catarrhi fuffocativi, falfo aut improprie ita dictos fufpicor, nec aliud de illo ex cordis polypo apud *Th. Barth. Cent. 2. Epift. Med. 86.* judico.

VIII.

Terminum per quem famofa vafa duo fanguiduca cordis ordinaria venam cavam & arteriam pulmonalem conftituo. Illa per afcendentem & defcendentem ramum fuum sanguinem reduncem vitiofo ftipatum fatellitio fuo cordi infundit, hæc impetuoſum in pulmones effundit. Symbolum etiam fuum conferre laryngis vafa arterioſa *Schneiderus lib. 3. de catarrhis cap. 3. & 5. lib. 5. poſt. cap. 3.* operoſè adſtruit. Cui conſentit *Th. Wil-*

fius de febr. c. 11. Vasa lymphatica jugularia his associat *Jacobus Henricus Pauli anat. Bilf. anat. cap. 8.* quæ, si conspirant cum prioribus, malum dubio procul gravius nascitur, & spiritus citius præcluditur, *Schneidero & Willisio loc. cit.* adstipulantibus.

IX.

Movens facultas cerebri expultrix consuetè salutatur, quæ verò cum cerebro suo fictitio catarrhorum fonte haud difficulter prosternitur, eoquè magis, quòd hæc & similes facultates labili valde fundamento secundum Modernos innitantur. *Schneiderus lib. 4. catarrh. sect. 2. c. 3.* expultricem sanguinis surrogat. Breviter: causa una sufficere non videtur, sed plures requiruntur: præcipua quidem natura est, humorum gubernatrix; excrementorum expultrix. Juvat a. motum suum ipsum mobile copiâ vel qualitatibus vel utroque, ut motus has causas ipse *Galennus loc. cit.* proponit. Vid. *Disput. Excellentiss. Dn. Præsidis de Fluxu hepatico th. XIV.*

X.

Operas pariter suas in generando & movendo hoc malo strenuè elocant è *rebus naturalibus* temperamentum, præcipuè sanguineum, nec non, ita dictum, phlegmaticum. *Ætas infantilis 3. aph. 26. senilis 3. aph. 12. sexus muliebris, l. de nat. puer.* Accedunt ex *non-naturalibus* aër præsertim vernus *3. aph. 20. & hybernus 3. aph. 23.* venti maximè austrini *3. aph. 5.* cibus & potus, exercitationes corporis nimix, quies, somnus & vigiliæ, excreta & retenta, animi affectus, de quibus *Authorum* libri & observationes abundè loquuntur. Ex *præter-naturalibus* febres in specie tertianæ *Sennertô de febr. lib. 2. c. 18.* auctore, savi & achores puerorum intempestivè exsiccati, apud *Jacob. Henr. Pauli loc. cit.* scabies retropulsa apud *Hildanum Cent. 3. obs. 10* hydrops subito detumescens, hæmorrhoidum, mensium fluxus consueti suppressio, fonticulorum naturalium & artificialium, setaceorum, intempestiva, obstructio, & similia, quorum operandi modus ex dictis collectu facilis est.

XI.

Signa præcipua ex descriptione constant. Tussis n. subinde circa principium nascitur, materia pulmones jam intrante
& ir-

& irritante; mox difficilis respiratio, & tantum non præsens in graviore malo suffocatio urget, detrusa jam procella in pulmones, hosque opplente, unde vocem etiam strangulari necesse est. *Jacob. Henr. Pauli* nonnunquam propter nervos recurrentes hinc læsos obmutescere ægrum scribit. *Distinctivis* etiam *signis* opus est, vel ideò, quod, qui cognatos cum hoc catarrho affectus, apoplexiam, syncopen, epilepsiam & cæteros subito & incunctanter distinguit, *Casspar. Hoffmanni* voto *Æsculapius* proclametur, lib. 1. de loc. affect. c. 1. §. 4. Factu a. difficile hoc non est; hinc cum sensu motus viget, qui in apoplexia perit, depravatur in epilepsia; vitæ hinc supersunt vestigia tantum non omnia, quæ in syncopæ deficiunt.

XII.

Quæ *Prognostica*, in genere ut acutorum morborum non sunt omnino certæ mortis aut salutis prædictiones, 2. apb. 19. ita vel maxime in hoc catarrhorum gravissimo idem dicendum. Sive enim loci affecti nobilitatem, sive actionis impeditæ necessitatem videas, periculorum omnia plena sunt. Vita enim & respiratio pari passu ambulant. Bona autem spes ægrum alere potest, ubi vires adhuc robustæ, nec à priori morbo exhaustæ, ubi mitiora symptomata, procellæ non undique ingruunt, ubi tempestiva remedia adsunt, & malum ad horum applicationem remittit: Contra ubi fecus.

XIII.

Cura autem hinc si ullibi festinanda est, quæ alia in paroxysmo, extra paroxysmum alia desideratur. Ubi materia respirationis foco incumbens sui ablationem, impetuosè irruens aversionem & refrenationem, impacta resolutionem, viresque conservationem indicant. *E fonte chirurgico* præstat hæc felicissimè & statim ab initio, reliquis consentientibus, adductum generosum remedium, venæsectio, qua & sanguinis copia & impetus ejus minuitur, nec non pulmones à sarcina p. n. liberati liberius spirare iterum incipiunt, viresque sanguinis mole oppressæ ad se redeunt. Locum & quantitatem evacuantem morbi gravitas, vires & ægri conditio reliqua determinant. Prohibente venæsectionis præsentem, in hujus locum scarificationes, frictiones, ligaturæ substitui solent.

Ex

Ex pharmaceutico alvum irritantia & ducentia conveniunt, v. gr. suppositoria, & quæ primo ferè ordine se commendant; clysteres mitiores & acriores, qui & alvum solvere, & materiam ab itinere suo ad pulmones avertere norunt. Horum materia ubi vis obvia.

XIV.

Sed quid de *Vomitoriis* habendum? quibus nihil in catarrho suffocativo præsentius *Henricus Petrus in nosolog. de catarrh. Joh. Jonstonus id. pract. l. 8. c. de catarrh.* cum pluribus aliis putant. Verbò: proficua videntur, ubi vasa laryngis suam opellam conferunt, pulmonumquè bronchia & aspera arteria infarcta sunt, in ægro robusto, vomitui assueto, statim ab initio. Extra hos limites vix advocanda hæc putarim.

XV.

His peractis suspendere catarrhum & inhibere furiosum ejus motum internis & externis jubent Practici, opiatis, emplastris ad coronalem futuram applicitis; evocant errhinis, ptarmicis, apophlegmatismis, gargarismis, balsamis naribus inunctis, hujusquè generis similibus variis, quæ furiosum sanguinem refrenare, impurum defecare norunt. Tandem resolventibus & expectorantibus opus est, & ita sensim sensimquè paroxysmus mitigatur.

XVI.

Nec hîc tamen acquiescendum, sed & *extra Paroxysmum*, ne recidiva metuenda, cautè providendum. Scilicet abscindendæ hîc causæ antecedentes omnes, plethora sanguinis diminutione; cacochymia purgantibus, diaphoreticis, diureticis. Maximum verò momentum hoc in loco fonticuli artubus appliciti, fetacea ~~ouchæ~~ infixa, habent. Cavendum insuper ne nova causa regeneretur, coctionum roboratione & quod maximum hîc subsidium promittit, *Dietæ* debita ordinatione; ut enim hæc neglecta morborum & Medicorum nutricula verè audit, ita rectè instituta fidelissimus sanitatis custos est, de qua iterum authores consulantur.

DEO interim pro concessa hac mihi gratia sint laudes immortales, cujus clementissimæ voluntati porrò me meaque studia commendo.